

Per patulos aditus focios intrare precantur.
 Preveniunt omnes alios Sichertia proles.
 Raynerius focios, & Teperteius heros:
 Una Guiscardus comites, & Grunnius ipsis
 Extiterant prope, qui barbara terga sequuti
 Cedentem turbam jaculis feriendo trucidant,
 Introitum donec fugientibus edit alumnis
 Robustas pandens vetus Elmodenia valvas.
 Hac de parte maris pugnax Eufraxius urbem
 Intrat cum nato, stat Maura caterva platea,
 Inque viros properata ruit stridentibus armis,
 Quos poterant terrere satis volutantia saxa.
 Intrepidus cum patre manet Bernardus, & Alcen
 Contra se positum durata cuspide sternit.
 Tunc Ildebrandus: ferias, precor, optime fili,
 Nec cuiquam parcas gladio, si deficit hasta.
 Pro patria pugnare decet, veneranda vetustas,
 Et nostri quondam micuere per arma parentes.
 Dixit, & Agilion jaculo prosternit, & ense
 Brusii feriens caput à cervice resolvit.
 Diffugiunt statim reliqui, fugientibus instant,
 Cum genitore satus pertundit barbara terga.
 Undique currentes equites, mixti peditesque
 Audaces animo compressis gressibus intrant.
 Per solitas veluti subeunt examina sedes,
 Sic vigor Alphæus latam progressus in urbem
 Disperfas fundit jaculis, gladiisque catervas.
 Hic caput abscissus, pectus transossus & alter,
 Visceribus fufis alius tellure jacebat,
 Humanoque nimis terram maduisse cruore,
 Et fluxisse putes commotos sanguine rivos.
 Sicut cum primo dimisso flumina cursu
 Expatiant campis, quando revocatur in amnem
 Efficiunt rivos plures densasque lacunas.
 At rabidos postquam gladius deleverat hostes,
 Mœnia cum tectis retinent, urbanaque templa
 Christicolæ, longus quos jam labor attenuarat,
 Et servant ipsam studiis vigilantibus urbem,
 Ac solito belli nūquam removentur ab usu.
 Artibus intendunt, peragunt, vincuntque labores.
 Destructis tectis via fit, castella trahuntur.
 Namque Bebbelgedit portis sunt abdita bina,
 Elmodenorum totidem sunt abdita muris.
 Denique turritos Latialis machina muros
 Sternit, adquantur propero munimine fossæ,
 Hæque cadaveribus multis lignisque replentur.
 Barbara gens grandi nimum concussa timore
 Castra Pyrenæi Comitis tremebunda subintrat
 Ad quodcumque velit cupiens se jungere sedes
 Si bellatores indennes atque soluti,
 Incolumes etiam cum libertate sinantur.
 Talia dum referunt, cœtum properanter in unū
 Accitus populus pacis de fœdere tractat.
 Fulgebatque dies, qua plenus dogmate sancto
 Ecclesiæ Pastor suscepit jura cathedræ:
 Clerus adest, procereque simul, contentio crescit
 Maxima, divisæ pandunt certamina mentes.
 Pars trahit ad pactum, pars diligit altera pugnam.
 Collaudat Clerus partem pugnare volentem,
 Sanctus & Antistes cum caridine prælia censet
 Hisque favent acies. Contra Catalanicus heros
 Ampuriæque senex, contendunt atque Guidel-
 mus,
 Et sancti Cleri firmas convertere mentes
 Muneribus largis, precibus, pretioque laborant.
 Hæc pius ut renuit convitia sustinet ordo.
 Tunc cum Bernardo verbis Gratianus honestis
 Verba refert avidis Gothorum congrua dictis.
 Profundens lacrymas mœstus cum cardine
 Præful
 Sic genibus fufis numen cœleste precatur:
 Conditor omnipotens cœli, terræque creator,
 Cujus perpetuo sunt condita sæcula jussu,

A Et quodcumque viget, quodcumque videtur in illis,
 Clamantum petimus lugubres intende precatus,
 Et confidentes in te pater optime ferva,
 Ecclesiæque tuæ pro te certare volenti
 Auxilio succurre pio, da vincere gentem
 Sacrilegam multa sanctorum cœde madentem,
 Et pietate sua rogantes respice servos,
 Qui te factorem cunctorum semper adorant,
 Et tu Sancta Dei Genitrix Regina polorum
 Unā cum Sanctis nostros supplete rogatus.
 Estuat interea castris Pisana juvenus.
 Protinus incipiunt pugnam Brunocardia proles
 Promptus Oliverius vada quem misistis ad arma.
 Rolandusque valens Rodolpho patre creatus,
 Arma petunt Latii, renuit dux bella Pyrenæus:
 B Accedunt muris, & poscunt Asmaelitas,
 Anticipant aditus, & portis cominus instant.
 Pagane contra miscent fera bella phalanges
 Tutantes fractos invicto robore muros.
 Acrius Alphæi subeunt, armisque coruscis
 Duros irrumpunt aditus virtute coacta.
 Hos lapides, & tela petunt, missæque sagittæ,
 Et quas interior jaciebat machina moles.
 Tutantur clypeis tectos thoracibus artus,
 Et jaculis missis poscunt mucronibus hostes,
 Immotique loco bellum renovantque feruntque.
 Mixta manus post hos perpeffa frequentia tela
 Ardet in obstantem properanter currere turbā.
 Unde graves missi veniunt in scuta molares.
 Hinc de plebe viri conversi terga videntur,
 De fractis muris turpi cecidisse ruina.
 C At qui bella queunt animi tolerare vigore
 Obstantes arcent infracto robore turmas,
 Quamvis tres fuerant focii de Marte repulsi:
 Tum vice qui Comitū stat pollens viribus Ugo,
 Militibus paucis intrat comitantibus urbem,
 Impetit & Mauros, & cuspide turbat acuta,
 Ut celeres damas pardus per devia rura
 Nisibus herois cum duriter inguina fossus
 Tenderet ad manes immanis viribus Alchas,
 Accurrunt acies reliquæ, ferroque micanti
 Perlustrant urbem, multum tamen ante, cruoris
 Excepit tellus, quā vertere terga coacti
 Defererent, qua tunc steterat pugnado, plateam.
 D Vexillum peditum tunc Ansfaldica proles
 Francardus gestans hostes aliunde petiit.
 Ast Ugonis eum comitantur, & Uguicionis
 Aurificum validè Pagana per agmina vires,
 Sibyllaque satus, multa comitante caterva;
 Hicque vigorosi, certatim bella volentes
 Pugnando Dertana petunt, pignatque letho
 Agmina dant Baleæ, poscunt velociter arcem,
 Et quacumque ruunt, bellum lethale videres.
 Interfecta jacent per cuncta cadavera templa.
 Vulnere corporibus stillant, rivique cruoris
 Undique diffusi Latias tenuere plateas.
 Pars gladio percussa cadit, pars capta tenetur,
 At reliquam gentem vetus Elmodenia servat.
 Hinc Comes accelerans alia de parte Pyrenus
 Judæos omnes hæc sub ditione receptat;
 E Circuiens properat captam gens sancta per urbem
 Ferrea captorum dissolvens vincula fratrum,
 Cui fuerat ostrum, byssus, seu purpura, vestes,
 Aurum cum gemmis, Hispanaque pallia prædæ.
 Pars restabat adhuc, fuerat pars acta laborum:
 Vallatur populis urbs Elmodenia, cujus
 Obsidet assidue cultus gens provida muros.
 Ut castella trahant Pisani mœnia sternunt,
 Urbeque de capta planant obstantia quæque.
 Qui præsent muris mutantes fœdera poscunt
 Et fore non poterat variis concordia victis.
 Angulus hanc habuit, quam frangunt agmina
 turrin,

Et